

FOLÚNTAS

Ar mhaith leat post in earnáil na Gaeilge, ag plé le forbairt na Gaeilge i measc teaghlaigh agus i measc an phobail go ginearálta?

Bunaíodh Glór na nGael sa bhliain 1961 mar uirlis forbartha teanga tríd chomórtas idir grúpaí pobail. I 2014 ceapadh Glór na nGael mar cheanneagraíocht Gaeilge, ceann de na sé cheanneagraíocht maoinithe ag Foras na Gaeilge. Tá freagracht ar leith ag Glór na nGael i dtrí réimse oibre, forbairt na Gaeilge sa teaghlach; forbairt na Gaeilge i measc grúpaí pobail agus forbairt na Gaeilge i measc grúpaí fiontraíochta agus gnó.

Tá áthas ar Ghlór na nGael an folúntas a leanas a fhógairt:

Oifigeach Forbartha (Lánaimseartha) & Painéal Leibhéal an Oifigigh Feidhmiúcháin

Beidh ról an Oifigigh Forbartha tiomanta don phobal agus bainfidh an ról le fás agus forbairt Ghlór na nGael trí straitéis shainmhínte. Cuirfidh an t-iarrthóir rathúil an Ghaeilge chun cinn trí thimireacht, imeachtaí comhaontaithe agus gníomhaíochtaí pobalbhunaithe ar fud na hÉireann.

Bíonn Glór na nGael ag feidhmiú ar bhonn uile-oileánda agus bíonn cúraim uile-oileánda ag gach fostaí dá réir sin. Samhlaítear go mbeidh an iarrthóir rathúil don ról seo lonnaithe i Co. Átha Cliath cé go mbeidh gá a bheith i láthair in oifigí Ghlór ó am go ham.

Próifil an phoist

Post forbartha atá i gceist leis an bpost seo. Beidh ar an té a cheapfar ag tabhairt faoi;

- sheirbhísí Ghlór na nGael sa réimse: Tacaíochta Teaghlaigh a fhorbairt go príomha i
 - gCo. Átha Cliath agus i gceantracha máguaird.
- tacú le clárú, forbairt agus buanú
 - líonraí Teanga Tí*, scéim tacaíochta teaghlaigh Gaeilge Ghlór na nGael, trí thimireacht agus tacaíocht a sholáthar
- thacú le comhthionscadail idireagraíochta de réir mar is cuí
- sheirbhísí a bheadh úsáideach do mhórphobal na Gaeilge & na Gaeltachta a fhorbairt
- uaireanta beidh gá le tabhairt faoi obair trasrannach a dhéanamh

****Teanga Tí***

Tá Glór na nGael agus Gaeloideachas Teo. ag forbairt ghréasáin de theaghlaigh Ghaeilge i scoilphobail scoileanna lánGhaeilge agus Gaeltachta. Beidh imeachtaí na scéime ag feidhmiú lasmuigh de gheataí agus de ghnáth uaireanta na scoile. Is é sprioc na scéime ná spreagadh agus tacaíocht a thabhairt do theaghlaigh pháistí naíonáin shinsir na Gaeilge a labhairt níos minice sa bhaile. Is scéim uileghabhálach í a fhreastalóidh ar riachtanais teanga teaghlaigh difriúla. Is féidir go mbeadh Gaeilge measartha ag tuismitheoirí agus iad ag iarraidh feabhas a chur lena gcumas nó iad ar bheagán Gaeilge ach gur mian leo caighdeán níos airde a bhaint amach. Beidh ciste tacaíochta mar chuid den scéim. Tacaíonn an maoiniú seo le heagrú imeachtaí do na teaghlaigh rannpháirteacha.

Breis eolais faoi Theanga Tí ar fáil [anseo](https://www.glornangael.ie/teaghlaigh/). (<https://www.glornangael.ie/teaghlaigh/>)

Cur síos ar an té a cheapfar

- Céim ábhartha nó a chomhionann de thaithí
- Tá éirithe go maith leis nó léi go dtí seo i réimsí Gaeilge agus/nó forbartha pobail
- Ardscileanna cumarsáide idir scríofa agus labhartha, i nGaeilge (ag leibhéal B2 TEG) agus i mBéarla
- Ardscileanna idirphearsanta
- Gníomhach á c(h)oinneáil féin eolach ar chúrsaí Gaeilge, agus forbartha pobail
- Ar a c(h)umas obair as lámha a chéile le baill foirne agus le hoibrithe deonacha
- Spéis ar leith san fhoghlaim ar feadh an tsaoil
- Ceadúnas iomlán, fáil ar ghluaisteán le hárachas úsáid ghnó.

Grád: Oifigeach Feidhmiúcháin

Scála Tuarastail: De réir pá scála an Oifigigh Feidhmiúcháin (EO), Ciorclán 17/2019, Aguisín 2A: €30,127 - €50,834.

Téarma: Conradh 3 bliana

Tá an post seo maoinithe ag  Foras na Gaeilge

Spriocdháta:

Is gá CV agus litir chumhdaigh a chur chuig post@glornangael.ie faoin **Máirt 28 Eanáir 2020 ag 5.00i.n.**

Beidh na hagallaimh don ról seo ar siúl i Ráth Chairn, Co. na Mí, go luath tar éis an spriocdháta thuas luaite.

Rialachán Ginearálta um Chosaint Sonraí (RGCS)

Ar mhaithe lenár ndualgais a chomhlíonadh faoi RGCS tá sé riachtanach dúinn cúis dleathach a bheith againn do chuid sonraí pearsanta mar a bhaineann sé le d'iarratas a phróiseáil agus a stóráil.

Is cóir don iarrthóir a thuiscint go bhfuil leas dlisteanach ag Glór na nGael faoi reachtaíocht fostaíochta na sonraí seo a choimeád ar feadh tréimhse bliana.

Scríosfar na sonraí pearsanta seo nuair a théann an tréimhse ama sin in éag nó i gcás iarrthóir rathúil, tar éis bliana ó dháta críche na fostaíochta leis an eagraíocht.